

四庫全書

子部

欽定四庫全書

山堂肆考卷二百三十六

明 彭大翼 撰

補遺

花木

茗柯

晉簡文帝曰劉尹茗柯有實理注云如茗之枝柯雖小
中有實理非外博而中虛也

蓬艷

宋時謠云臻蓬蓬外頭花艷裏頭空又李白詩注蓬花如毬風起則轉

蒼官

樊宗師園記栢曰蒼官

青士

樊園記竹曰青士

衰葉

文選總莖衰葉總叢衰疊也

夸條

木枝張布也

虎杖

漆也似紅草有細刺可以染赤

龍芻

周穆王東海養馬處有草名龍芻

草帶

言草長若帶也唐詩草帶消寒翠

辟帷

言辟荔之生若帷帳也唐詩雲霞生辟帷

霜傑

霜下傑菊也一曰松

雨師

檉木也爾雅天將雨檉木起其氣應之故名雨師

人柳

詩話漢苑中有柳狀如人號人柳一日三眠三起

帝梧

唐詩薰風繞帝梧又云巖枝落帝桑韻府頓丘帝竹一節可為船

麻母

苧麻也

𦵏菇

瓠也一名王瓜

北勝

見花

南榮

南方冬溫草木常茂故南方草木謂之南榮又草名離南生江南高一丈許

人麥

六朝文既人麥之方登

女蘿

女蘿即松蘿一名兔絲一名唐蒙又小桑曰女桑

稊米

稊米小米也莊子不似稊米之在太倉

魯米

禾不因播種而自生曰魯魯與旅同漢光武紀野穀旅
生又草名魯葵唐詩幾日相離別門前生魯葵

雀麥

即燕麥也劉禹錫遊玄都詩序曰惟兔葵燕麥動搖春
風耳

鹿藿

今鹿豆也

鼠梓

楸類江東多有之

牛芸

草名一名黃華

勝友

晉僧法潛隱剡山或問勝友為誰乃指松曰此蒼顏叟

也

聖僧

揚州人呼楊梅為聖僧

陵舄

車前草也

石衣

水苔也一名石髮

林樾

樹陰也兩樹交陰曰樾又樹葉曰林衣唐詩林衣掃地
輕

山茵

唐人詞薛引山茵荷拍水蓋

日及

槿花朝榮夕瘁一名日及又博物志君子國薰草朝生
花

天蘇

白朮一名天蘇

飲木

吳都賦窮陸飲木注云窮陸朱崖也無水泉有大木斬之飲其汁故云

棲苴

水中浮草棲於木上言枯槁也

奧草

周語民無縣耜野無奧草言田皆墾闢而無深奧之草

也

嘉蔬

曲禮祭宗廟之禮稻曰嘉蔬

地髓

本草地黄名地髓

塹花

初學記塹花仍吐葉

槐木陳枚

木病厄偃癭腫而無枝葉曰癭木今人喻施恩於衰朽者曰流甘露於癭木扇惠風於陳枝凡木枝曰條榦曰枚

曾枝剡棘

楚辭曾枝剡棘

藟藟

草似芹可食一名竊衣子大如麥有毛

藟藟

草似蒲而細

來牟

來小麥牟大麥周頌思文貽我來牟

條枚

詩周南伐其條枚又伐其條肄斬而復生曰肄條枚解
見上

槎蘖

斜斫木曰槎髡斬之曰蘖國語山不槎蘖澤不伐天魚

禁鯤鯨獸長麋麋鳥翼殼卵蟲舍蚺蛟

葦蒺

楚辭蒺蒺蒺以盈室注云三物皆惡草以比讒佞滿室也蒲室謂滿朝蒺蒺蒺也有角能刺人蒺蒺蒺也蒺卷蒺草也拔心不死

田穉

幼禾也小雅大田彼有不獲穉

江離

香草名又藥草名溪蓀

五葉

五葉草生江東五葉共叢一莖

百莖

草名此草至百年一本生百莖又杜預云江淮之間一
茅三脊此靈物也王者封禪必須三脊茅以為藉藝文
寶靈茅之三脊

西山草

古詩豈若西山草琅竹與丹禾

北里禾

初學記北里之禾天下以為盛也

聚藻

藻有二種一種如雞蘇一種如蓬蒿謂之聚藻

懸匏

匏蔓生實皆下垂故曰懸匏

含星漏月

松樹有含星漏月之奇

委露辭風

古詩歸花先委露別葉早辭風

繡壑綺巒

楊梅紅紫之色妝點巒壑之間如繡綺也

虬蟠鱗接

文選輪菌虬蟠挿堦鱗接注云輪菌屈曲貌言木形屈曲如虬之蟠也挿堦重叠貌言花葉重叠如鱗之相次

接也

官渡柳

曹操與袁紹戰於官渡時乃植柳于此

倡園花

楊柳花也古詩不悟倡園花還同大嶺雪

竹籟

竹聲也

茶槍

茶有一槍兩旗之號歐陽公茶詩槍旗幾時綠

天采

桃花也

香藥

橙子別名

篋篋

竹名

屠蘇

周王褒詩飛薨雕翡翠繡栢畫屠蘇則知屠蘇本草名
畫於屋上因草名以名屋杜詩云願隨金腰裏走置錦
屠蘇此屠蘇屋名也後人又借屋名以名酒元日屠蘇
酒是也又大帽形類屋亦名屠蘇南史謠云屠蘇障日
覆兩耳是也

旂旒

花嬌盛貌又旌旗從風貌

蕊龍

芊萋葱蘢皆草盛貌

蓓蕾

花蕊多貌一云花未開也

離披

樹木紛散貌

霍靡

草弱隨風貌楚辭蘋草霍靡

鋪荼

鋪布葉盛言桑麻鋪布而葉盛也

竹香

杜子美竹詩雨洗娟娟淨風吹細細香

芡穀

芡葉初生時其縐如穀

狎獵

花葉參差貌

攏梳

木枝重累也

菸芭

言草木之葉殘瘁也文選葉菸芭而無色兮

嬋娟

竹夭美貌唐詩中嬋娟有三用竹嬋娟月嬋娟人嬋娟也

柳絲楸線

柳謂之絲楸謂之線見夢書

杉錦棟綾

埤雅槎謂之羅杉謂之錦棟謂之綾言諸木之文如羅如錦如綾也

桐乳

莊子曰空穴來風桐乳致巢桐有三種此青桐也華妍雅可愛其子似乳綴其索鄂多或五六少或二三故飛鳥喜巢其間胡宿冲虛觀詩桐井曉寒千乳結茗園春嫩一旗開

菊羹

曰華子菊有兩種其花相似惟以甘苦別之甘菊名曰精其葉可羹其花可釀其囊可枕其實可仙菊亦有實但難得耳

麥氣

何遜詩麥氣始清和王荆公詩晴日晚風生麥氣

花光

唐詩雨去花光濕風歸葉影疎

歌茅苴

茅苴臭惡草傷君子有惡疾而道不通也即冉伯牛事
詠薜蘿

古詩上山采薜蘿下山逢故夫凡失寵者相逢多詠此
詩

葱蒨

山樹色也文選山巘被葱蒨

芊綿

唐韋莊詩可憐芳草更芊綿

綠攪紅爭

王荆公詩綠攪寒蕪出紅爭暖樹歸

綠垂紅綻

杜工部詩綠垂風折竹紅綻雨肥梅又趙彥昭剪綵花
詩花隨紅意發葉就綠情新

種喜種厄

東坡泗州塔詩耕田欲雨刈欲晴去得順風來者怨蓋

用劉夢得同施于陸其時在澤伊種之喜乃稔之厄同
舟於江其時在風沿者之吉沂者之凶意按國風七月
黍稷重穆重穆與種稔同先種後熟曰重後種先熟曰
穆

蘅帶桂旗

古詩水綠牽蘅帶山青列桂旗

碧麥

杜陽雜編唐元和八年大軫國貢碧麥形大於中華之

麥粒表裏皆碧香氣如粳米食之體輕又可禦風

紫米

雜編元和八年大軫國貢紫米類巨勝子炊之一升得飯一斗食之令人髭髮鬢黑顏色不老

靈豆

貴耳集大靈豆華山陳搏有之每服一粒四十九日不饑筋力如故顏色如嬰兒

真柑

真柑在品類中最貴可珍其柯枝花實與凡木皆異結實圓正園丁採獻風味照座劈之香霧噴人

曲直

周書木曰曲直曲直作酸

本末

淮南子曰草木洪者為本而殺者為末禽獸大者為首而小者為尾

千歲

宜都山川記徂山有異木人無見其朽者名曰千歲葉似棗色似桑冬夏常青

萬年

晉宮闕名華林有萬年樹十四株即冬青樹也

甘祖

山海經蓋猶之山其上有甘祖枝幹皆赤黃葉白花黑實

香蓋

安南出菴羅果俗名香蓋乃果中極品或謂種出西域
實似北梨四五月間熟

栢葉松身

爾雅檜栢葉松身樅松葉栢身埤雅云檜栢葉松身則
葉與身皆曲樅松葉栢身則葉與身皆直

錦心繡腹

清異錄懿宗時城北筆頭谷李殊莊有老槐亦不下百
年矣樹腰刻小字一曰錦心氏一曰繡腹郎云殊之祖

甚愛此樹故刻記之

垂龍

洞冥記元光元年起壽福靈壇濶百步四周起銅梁銀
堤水上列種垂龍之木木似青梧上有朱露色如丹汁
灑其葉落地皆成珠其樹似龍體倒垂故名一曰傾虹
樹

服馬

山海經東始之山有木名芑其汁如血可以服馬注云

以汁塗馬則調良

返魂

十洲記聚窟洲有返魂樹伐其根心于玉釜中煮取其汁煎之令可丸名曰驚精香或名震靈丸或名返生香或名卻死香死尸在地聞氣即活

靈壽

山海經都廣之山有靈壽木詳見祝壽

君遷

吳都賦注平仲實如銀君遷子如瓠魏王花木志君遷
樹細似甘蕉子如馬乳廣志俗呼為牛妳子平仲亦木
名

帝休

山海經少室之山有木名帝休葉狀如楊其枝五衢黃
花黑實服者不怒五衢者樹枝交錯相重五出象衢路
也又講山有木名帝屋

無患

古今注程雅問樞木名無患何也答曰昔有神巫名曰寶耗能以符劾百鬼得鬼則以此木為棒杖殺之世人競取以厭却邪魅故號曰無患

不灰

玉田縣徐無山出不灰木博物志員丘山有不死樹食之乃壽又洛陽記明光殿前有長生樹二株

滅影

建木在廣都天帝所從上下處此木日中無影故曰滅

影

釋勞

山海經侖者之山有木焉其狀如穀而赤理其汗如漆其味如飴食之者不饑可以釋勞其名曰白荅

君子樹

宮閣記華林園有君子樹三株

帝女桑

宣山上有大桑赤理黃華名曰帝女之桑又唐書波斯

于西海中見一方石上有樹幹赤葉青樹上生小兒長
六七寸見人皆笑動其手脚頭着樹枝使摘取一枝小
兒便死

交讓

潯陽記黃金山有楠樹一年東邊榮一年西邊枯後年
西邊榮東邊枯年年如此張華曰交讓樹也

合歡

樹名宮中多植之唐詩游絲空罽合歡枝落花自繞相

思樹相思樹實如珊瑚

琅玕

爾雅西北之美者有崑崙之琅玕焉琅玕樹子如珠

珊瑚

石崇與王愷鬪富有珊瑚樹杜詩詩卷長留天地間鈞
竿欲拂珊瑚樹

一木五香

雜俎祁連山有仙樹一名四味樹其實如棗以竹刀剖

則甘鐵刀剖則苦木刀剖則酸蘆刀剖則辛一木五香
根旃檀節沉花雞舌葉藿膠薰陸

一樹五彩

山海經開明北有文玉樹一樹有五彩

鳥巢

埤雅栝木高大似白楊多枝而曲飛鳥喜巢其上子依
房生長數寸狀如珊瑚噉之其甘如飴今俗謂之枿栝

雞棲

中書省殿中有雞棲樹

樹中有麩

廣志枕榔樹大四五圍長五六丈旁無枝條其顛生葉
葉似椶櫚其木堅剛作鋸鋸利如鐵皮有毛中有麩赤
黃色蜜製可食

皮中有米

吳地志交趾有欒木其皮中有如白米屑者可以為餅

白櫬

雜俎赤白檉出涼州大者為炭灰汁可以煮銅為銀

黃楊

雜俎黃楊木難長世重黃楊以其無火或曰以水試之
沉則無火故取此木必以陰晦夜無一星則伐之為枕
不裂

連理

唐書貞觀中山南獻木連理交錯玲瓏

成文

唐代宗大曆十二年成都人郭遠獲瑞木有文曰天下
太平四字宰相奏賀曰至德之化先賁草木太平之符
遂成文字伏望藏於秘閣宣付史館

金刀剖

神異經南荒中有如何樹三百歲作花九百歲作實核
形如棗五尺長金刀剖則飴不則辛食之得地仙

玉膏灌

山海經密山之上多丹木圓葉赤莖黃花赤實其味如

飴食之不饑丹水出焉是生玉膏以灌丹木

為鼓顙

荊州始興郡陽山縣有豫章木徑可二丈名為聖木秦時伐此木為鼓顙顙成忽奔逸北至桂陽

中車轅

山海經成侯之山其上多樺木似栲樹材中車轅

玫瑰

西京雜記樂遊苑中有自生玫瑰樹樹下多苜蓿

文章

清異錄張曲江里第之間有古柘嘗因狂風發其一根解為器其花紋甚奇人以公之手筆冠世因目此樹為文章樹

男青女青

男青見羅浮山女青見道藏皆木名又洞冥記有女香樹細枝葉婦人帶之香終年不減

父道子道

說苑伯禽與康叔封朝於成王見周公三見而三笞康叔有駭色謂伯禽曰有商子者賢人也與子見之康叔與伯禽見商子而告之曰日吾二子者朝乎成王見周公三見而三笞其說何也商子曰二子盍相與觀乎南山之陽有木焉名曰橋二子往觀見橋竦焉實而仰反以告商子商子曰橋者父道也二子盍相與觀乎南山之陰有木焉名曰梓二子往觀見梓勃焉實而俯反以告商子商子曰梓者子道也二子者明日見周公入門

而趨登堂而跪周公拂其首勞而食之曰安見君子二
子對曰見商子周公曰君子哉商子也

實如小栗

榛樹高三四丈實如小栗外殼內實

子如小榛

杙樹狀如梅子如指頭赤色似小榛可食

蔡倫作紙

楮一名穀枝條修聳葉刻缺而澁且有毛幽州謂之穀

桑或曰楮桑荆揚交廣謂之穀書後序太戊時亳有祥
桑穀共生於朝又毛詩樂彼之園其下維穀又後漢蔡
倫嘗取楮膚以作紙即此木也

山谷維舟

南軒文集昔黃山谷南遷維舟榕樹下後人為作榕溪
閣樹大十數圍葉如樟而小樹上懸枝着地即生根一
株可以庇蔭數畝柳子厚有榕葉滿庭鶯亂啼之句即
此然樹拳曲臭惡不可以為材燒之亦無焰不可以為

薪故能久而無傷泉福交廣間多產此木

柘可為弓

周禮冬官弓人辨六材柘為上

樺堪為燭

樺木似山桃皮上有紫黑斑堪為燭取脂燒之能辟鬼

樗樹

莊子內篇惠子謂莊子曰吾有大樹人謂之樗其大本擁腫而不中繩墨其小枝卷曲而不中規矩立之塗匠

者不顧今子之言大而無用衆所同去也

櫟樹

莊子內篇匠石之齊至于曲轅見櫟社樹其大蔽牛絜之百圍觀者如市匠石不顧謂弟子曰散木也以為舟則沉以為棺槨則速腐以為器則速毀以為門戶則液構以為柱則蠹是不材之木也無所可用故若是之壽匠石歸櫟社見夢曰女將惡乎比予哉若將比予於丈木耶夫祖梨橘柚果蓏之屬實孰則剝則辱大枝折小枝

泄此以其能苦其生者也故不終其天年而中道歿

覆孳生

鄆南有淨土樹三月開花如桃花八月結實如小栗殼
中皆黃土相傳鳩摩羅什覆孳於土中所生故名淨土
破筒取

三佛齊國出阿魏樹不甚高土人納竹筒於樹梢脂滿
其中冬月破筒取脂即阿魏也或曰其脂最毒人不敢
近每採時繫羊於樹下自遠射之毒着於羊羊斃即為

阿魏

斑如錦繡

西京雜記終南山有樹百丈無枝上結叢條如車蓋其
葉一青一赤望之斑駁如錦繡故名丹青樹

理如綾紋

雜俎臺山有色綾木其理如綾紋人取以為枕呼色綾
枕

生兒

文獻通考大食國海中石上有樹枝赤葉青上生小兒長六七十寸見人則笑摘入手中即乾而黑

殺鬼

韻府續編肇慶新興縣出多香木俗謂之蜜香能辟惡氣殺鬼精

周公塚

草木譜模木生周公塚上其葉春青夏赤秋白冬黑

回紇川

輟耕錄回紇野馬川有木名鎖鎖燒之其火經年不滅
且不作灰

木無皮

杜詩注雒常木無皮出肅慎氏之國聖人在上則木生
皮可以為衣成王時嘗一生之

實無核

山海經崑崙之丘有木如棠黃華赤實其味如李無核
名曰沙棠可以禦水食之使人不溺

麻沙三花

夷堅續志建安麻沙鎮唐劉翺手植樟木其後大十數
圍有異人曰此木之榮枯實關劉之盛衰至宋紹定間
得樟實三枚有夢先者三舉兩魁後一幹微枯其年監
事劉純沒後枯幹復榮又生黃花三朵是年劉領舉者
三人凡有科擢必先見兆因呼瑞樟

潮州五子


潮州有五子樹實如梨有五核可治金瘡亦可治霍亂

鳳尾蕉

輟耕錄成都江瀆廟前有樹六株自漢唐以來有之樹高五六十丈圍三四尋直如矢頂上纔生枝葉若椶櫚狀皮如龍鱗葉如鳳尾實如棗而大每冬祭而採之畚中名為古魯麻棗蓋鳳尾蕉也

龜背木

瓊州海中有巨龜在沙坡間背生樹木渡海者誤以為洲燃薪作食龜熱入海其人皆死



山堂肆考卷二百三十六

欽定四庫全書

子部

山堂肆考卷二百三十七

詳校官中書臣閔思毅

主事臣祁韻士覆勘

總校官降調編修臣倉聖脈

校對官中書臣陸湘

謄錄監生臣劉澹

欽定四庫全書

山堂肆考卷二百三十七

明 彭大翼 撰

補遺

禽

禽經山禽之味多短水禽之味多長山禽之尾多修
水禽之尾多促林鳥以朝嘲水鳥以夜啜爾雅鳥之
雌雄不可別者以翼右掩左雄左掩右雌埤雅凡鳥
左顧則怒作右眄則喜生飛而起則仰右翼飛而下

則仰左翼故今鷲下擊則側左翅張子曰凡禽並棲
一正一倒戢其左翼以相依於內舒其右翼以防患
于外

時樂鳥

酉陽雜俎玄宗時有五色鸚鵡能言上令左右試牽帝
衣鳥輒瞋目叱咤岐府文學熊延京獻鸚鵡篇以贊其
事張燕公說有表賀稱為時樂鳥其表云臣按南方異
物志有時樂鳥鳴云天下有道則見今此鳥本南海貢

來與鸚鵡狀同而毛尾全異其心聰性辯護主報主尤
非凡禽實瑞經所謂時樂鳥延京雖叙其事未正其名
望編國史以彰聖瑞有詩云舊聞南海出靈禽時樂名
傳不可尋形貌乍觀鸚鵡類精神別稟鳳皇心千年待
聖方輕舉萬里呈材無伴侶紅茸糝繡好毛衣清冷謳
鷓好言語內人試取帝衣牽啄呼嗔聲不許前心願陽
烏常保日志嫌陰鶴欲凌天

寒號蟲

輟耕錄五臺山有鳥名寒號蟲四足有肉翅不能飛其糞即五靈脂也當盛夏時文彩絢爛乃自鳴曰鳳皇不如我至冬寒毛羽盡脫落乃自鳴曰得過且過

蘆虎

爾雅鴝鵒剖葦注云好剖葦皮食其中蟲江東呼為蘆虎似雀青斑長尾

竹雞

格物論竹雞比鷓鴣差小毛羽褐色多斑赤文自呼泥

滑滑梅聖俞詩泥滑滑苦竹岡雨瀟瀟馬上郎馬啼凌
兢雨又急此鳥為君應斷腸文與可詩春日正清明滿
園花盛發勸爾竹下雞莫啼泥滑滑楊廷秀詩山行三
日厭泥行幸自今朝得一晴又聽數聲泥滑滑情知浪
語也心驚

畫眉

畫眉鳥似鶯而小黃黑色其眉如畫巧于出聲如百舌
歐陽公詩百轉千聲隨意移山花紅紫樹高低始知鎖

向金籠聽不及園林自在啼

蠟嘴

蠟嘴生於象山似雀而大嘴如黃蠟色故名今吳人養此鳥能歌舞聽人曲調則以嘴銜紙糊臉子搬演戲法移腔換套必按音節又一種名鐵嘴

布穀

揚雄傳注布穀一名買銳蓋聞其聲則思買銳鍾以布穀也又布穀聲曰家家撒穀或以為家家脫袴或為家

家斲磨此因其聲之相似也爾雅鳩鳩鵲即今之布穀也蘇東坡詩南山昨夜雨西溪不可渡渡邊布穀啼勸我脫布袴不辭脫袴溪水寒水中照見催租瘢

漱糠

黃鳩形似百舌灰色雀行性躁好鳴叢林間又名漱糠鳥天將雨則鳴或云此鳥下枝傳上而鳴則晴上枝傳下而鳴則雨

鷓鴣

埤雅鷓鴣似鷓而黑嘴曲如鈎食魚入喉則爛其熱如

湯其骨可治鯁及噎吐而生子楊孚異物志此鳥能沒
於深水取魚而食不生卵而孕雛於池澤既胎而又吐
生多者生七八少者生五六相連而出若絲緒焉水鳥
而巢於高木之上夔州圖經稱峽中人謂鷓鴣為鳥鬼
蜀人皆養此鳥繩繫其頸使之捕魚得魚則倒提出之
又隋書倭國水多陸少以小環挂鷓鴣項令入水捕魚
以充食

奇嵐

雜俎奇嵐鳥出河西赤塢鎮狀如鳥而大飛翔於陣上
多主不利

自為牝牡

山海經翼望山有鳥如鳥三首六尾自為牝牡善笑名
曰鵠鵠佩之可以禦兵

共為雌雄

見山

雪姑

相感志俗呼鵲鴿為雪姑鳴則天當大雪又好雪中
飛鳴性好食雪故名雪姑爾雅鵲鴿一名雝渠飛則鳴
行則搖背青灰色尾長腹下白頸下黑如連錢故桂陽
人又謂之連錢

風伯

張華注禽經風禽為類越人謂之風伯飛翔則天有大
風

止不向明

雜俎越雋有背明鳥形似鶴止不向明巢必對北其聲百變

性惟畏寒

雜俎嗽金鳥出昆明國形如雀色黃常翱翔於海上魏明帝時其國來獻此鳥飼以真珠及龜腦常吐金屑如粟宮人爭以鳥所吐金為釵珥謂之辟寒金以鳥性畏寒也宮人相嘲曰不服辟寒金那得帝王心不服辟寒

鈿那得帝王憐此鳥已見金以此所載比前詳備復錄之

求旦

逸詩相彼盍旦尚猶患之盍旦夜鳴求旦之鳥也

報春

顧渚山中有鳥每正月二月鳴云春起也三月四月鳴云春去也採茶者呼為報春鳥

鴉舅

此鳥似鴉而小黑色能逐鴉鴉見避之故名鴉舅一名鴉競一種似鷹而小蒼色能逐鷹亦名鷹舅形頗類脊令

蚊母

爾雅鷦鷯母似鳥鷄而大黃白雜文鳴如鴿聲今江東呼為蚊母俗說此鳥常吐蚊故名又按塞北有蚊母草嶺南有蚊母木

催工

泰山上每興工役有鳥似烏味趾皆赤役夫稍息即飛
鳴作聲人目為催工鳥

傳信

孔帖隋處士元藏機有二鳥大類黃鶴每翔翥空中藏
機呼之即至或令銜珠或令授人語皆能如意因名傳
信鳥

守函

雜俎齊郡函山有鳥足青嘴赤黃素翼名王母使者漢

武帝登此山得玉函長五寸帝下山玉函忽化為白鳥
飛去世傳山上有王母藥函常令鳥守之

披帶

禽經練鵲名帶鳥似山鵲而小頭上有披帶雌者短尾
雄者長尾

交睛

埤雅鷓鴣一名鷓鴣一名鴉似鳧脚高毛冠巢於高木
生子穴中銜其母翅飛上下淮賦所謂鷓鴣吐雛於八

九交睛銜翼而低昂者也段氏云鴛警鬼鷓鷯厭火孔雀辟惡舊云此鳥長目其睛交故有鷓鷯之號相如所賦交睛旋目者是也禽經旋目其名鷓交目其名鴛方目其名鴛

反面

山海經灌題山有鳥名竦斯如雌雉反面見人則躍

尋邪逐害

埤雅鷓鷯五色尾有毛如船柁小於鴨性食短狐在山

澤無復毒氣淮賦所謂尋邪而逐害是也在溪中若有
勅令因名瀾瀾又其浮游雄者左雌者右羣伍皆有式
度

愛形顧影

芙蓉山有異鳥名鶻愛形顧影不自藏每為羅者所獲
倒挂

倒挂子毛綠色常倒挂於木上宣化縣等處出

服留

趙王倫篡位時有異鳥人莫識有一小兒見之乃言曰服留鳥忽小兒并鳥俱不見蓋謂倫留將服其罪也

天女

京房易占山見白燕則生貴女故俗以燕為天女

雲客

談苑宋李昉畜五禽以鷓為閑客鷺為雲客鶴為仙客孔雀為南客鴻鵠為西客

鷓不處木

埤雅鷓不木處安矣故謂之鷓然又不如燕之燕也鷓
鴛屬其品中膳羞內則所謂雉兔鷓鴣是也莊子逍遙
篇斥鷃笑鵬即此

鷓必附草

埤雅鷓無常居而有常匹俗言此鳥性淳蠢不越橫草
所遇小草橫其前即旋行避之名之曰鷓以此鷓有二
種有丹有白此則丹鷓也色赤黃而又銳上禿下夏出
秋藏飛必附草皆火類也河北人養之以為鬪戲一說

鶉鳥其居易容其欲易給竄伏草間尾特秃若衣之短
結者

提壺

提壺鳥以其聲呼提壺故名生山林間大如雀身黃綠
色

戴勝

爾雅鷓鴣戴雋雋即頭上勝俗呼為戴勝蓋頭上花毛
成勝也月令謂戴勝降于桑即此

洿澤

格物論洿河即鷓鴣一名洿澤水鳥也大如蒼鷺喙長尺餘頷下有肉兩塊大如數斗囊若小水有魚能杼水滿其頷含水竭盡魚在地乃共食之故曰洿河莊子曰魚不畏網而畏鷓鴣言鷓鴣能以智力取魚故不畏網而畏之也國風有鷓在梁即此

沸河

埤雅大鷓翱翔水上扇魚令出沸波櫻而食之一名沸

河淮南子所謂鳥有沸波者即此是也又禽經淘河在岸則魚沒沸河在岸則魚涌

空城空宅

本草鉤鵠入城城空入宅宅空怪鳥也若聞其聲如笑者宜速去之鳥似鷓有角夜飛晝伏

知雨知風

埤雅鷓一名述似燕紺色知天將雨之鳥也又義訓鷓紺燕知風則啼然則鷓鳥不獨知雨又知風也蘇子所

謂鷓蚌相持者即此

隕霜則飛

埤雅鷓好霜鷺惡露此鳥飛則隕霜其羽可為裘以辟
寒雜俎鷓鷓狀似燕而稍大足短趾似鼠未嘗見其下
地常止林中偶失勢控地不能自振及舉則上凌青霄
此鳥出涼州

避風而止

見風

食煙

雜俎秦中山谷間有鳥如梟色青黃肉翅好食煙見人即驚落隱草穴中嘗露身其聲如嬰兒啼名曰老鷓

食火

四夷傳大食弼屯羅國出食火鳥長六七尺能飛不甚高食雜物并火或燒赤熱銅食之生卵如椰子

鳥身鹿頭

郭璞曰飛廉龍雀也鳥身而鹿頭風俗通飛廉神雀能

致風雨

鷺形鴉色

鷺雞金頂紅嘴其形類鷺其色類鴉來以三月三日前去以九月九日前此鳥來則羣飛其聲如雷去則不食諸物但淘沙食之欲其體輕可高舉以避繒繳也

茅鷓

徐鉉曰鷓鴣也一名鷺爾雅所謂茅鷓郭璞注云茅鷓今鷓鴣也似鷹而白陶隱居曰飛騰江湖間捕魚食之

木兔

爾雅荏老鷓木兔也似鷓鴣而小兔頭有角毛脚夜飛
好食雞

麥雉

暮春之月宿麥盈野野雉羣雉

花雞

小鳥也八九月間來自海外投入樹林驟如風雨聲毛
羽青黃色亦有黑色者腹下淺白色土人謂之花雞

殊翁

殊翁即鴻鴈言文采之殊異也

嘉賓

古今注黃雀一名嘉賓言棲宿人家如賓客也九月入水為蛤不則多淫泆酒善使人淫泆故名其器曰爵

候日

見貢獻

詠時

文選耳悲詠時禽言禽聲應時候而變故云

思婦

鳥名昔有人思婦登北山絕望愁忿而死故名

愁胡

鷹狀似胡人之愁者故云

珥蛇

山海經東海中有神人面鳥身珥兩黃蛇踐兩黃蛇名

曰禺貌

捕鼠

爾雅鵞白鷹鷹似鷹尾白善捕鼠造化權輿曰鷹鷂之
子或為鷂鷹

英雞

本草英雞如雉尾短腹下毛赤體常熱飛翔不遠生於
澤州常食碎石英故名

灰鶴

廣志灰鶴出廣州新會縣似鶴而灰色

菘節

雜俎菘節鳥四脚尾似鼠形如雀終南山中有之

柴蒿

雜俎柴蒿鳥頭有冠如戴勝大如野雞

飲汁

成都有小鳥紅翠碧色相間生於桐花中朝夕惟飲其
汁不食他物花落遂死名桐花鳳

竊脂

山海經岷山有鳥狀如鴉赤身白首名曰竊脂其觜曲可禦火即桑扈也淮南子云馬不食脂桑扈不啄粟非庶也埤雅桑扈一名而二種桑扈竊脂鳩鷯剖葦此桑扈之一種也桑扈竊脂棘扈竊丹此桑扈之又一種也對剖葦者言之則竊脂者所謂素質曲觜好盜脂膏者是也對竊丹者言之則竊脂者所謂素質其翅與領皆鶯然而有文章者是也又爾雅春扈鳩鷯夏扈竊玄秋扈竊藍冬扈竊黃桑扈竊脂棘扈竊丹晝扈喑喑宵扈

嘖嘖此諸鳥皆因其毛色音聲以為名也

健鬪

埤雅鷓似雉而大黃黑色故其名曰褐而鷓賦所謂揚
玄黃之勁羽是也有毛角專場健鬪鬪死不却蓋鷓鳥
之暴疏者每有所攫撮應爪摧碎亦愛其黨郭璞鷓贊
所謂疇類被侵雖死不避古者令武士冠之實取其猛
先儒所云虎夫戴鷓是也禽經鷓毅鳥鷓信鳥

善鳴

蔡條曰同州有一禽大如雀色正青善鳴名曰竹林鳥
肥遺

博物志華山有鳥名肥遺見則大旱

精衛

見海

山胡

山胡一名山呼一名珊瑚出嶺南巧聲之鳥

澤虞

爾雅鷺澤虞注云今涸澤鳥似水鴉蒼黑色常在澤中
見人輒鳴喚不去有象主守之官因名俗呼為護田鳥

水食木宿

紅鸚鳥曲觜高脚丹頂如鶴毛白赤色頭上有披帶食
于水而宿于木聲如貓故又名江貓

鳥導鵲從

五臺山有吉祥鳥形翅甚大其飛也有四黃鳥導之四
鵲從之

水狗

爾雅鵙天狗注云小鳥也青似翠食魚江東呼為水狗
潮雞

潮雞出嶺南似雞而小潮至則鳴唐李德裕詩三更津
吏候潮雞

獨豹

郭璞曰鵙似鴈無後指毛有豹文一名獨豹遇執鳥鳥能
激糞禦之着其毛則盡脫陸佃曰鵙性淫而無定匹故

今指老妓曰老鵝

秃鷲

埤雅秃鷲一名扶老狀如鶴而大長頸赤目其毛可辟水毒善與人鬪好啗蛇

凝立水際

容齋隨筆塘灤之上有禽類鵠色正蒼而喙長肥大凝立水際魚過其下則取之終日無魚過亦不易其處故名信天緣

奔走水上

瀛水有鳥名謾畫類鷺奔走水上不問水腐泥沙必啞
啞然盡索之而後已無一息少休

信天翁

滇中有鳥名信天翁其鳥食魚而不能捕候魚鷹所得
偶墜者拾食之因名

告天子

此鳥褐色似鷓而小生海上叢草中黎明時遇天晴霽

則且飛且鳴直上雲端其聲連綿不已一云叫天子

冬見夏蟄

山海經踰次之山有鳥焉其狀如梟人面一足曰橐蜚
冬見夏蟄服之不畏雷

宵飛晝伏

山海經北囂之山有鳥焉其狀如鳥人面名曰鷩鷩宵
飛而晝伏食之已暍

見則大旱

海篇顛鳥似梟人面四目有耳見則大旱

見則大疫

山海經礪山有鳥狀如鳧而鼠尾善登木其名曰絜鉤
見則大疫

見則有火

見火又淮南子曰畢方木之精青色赤脚一足不食五
穀

見則有兵

山海經鹿臺之山有鳥狀如雞人面名曰鳧僕其鳴自呼見則有兵

姑惡

姑惡水鳥名俗云婦以姑惡死故其聲云東坡詩姑惡姑惡姑不惡妾命薄君不見東海孝婦死作三年乾不如廣漢龐姑去却還

佛現

峨眉志蜀大峨峰普光殿有佛現鳥狀如鵠鶴飛鳴近

人其聲圓轉山僧名為佛現鳥

思歸

陶嶽零陵記思歸樂鳥狀如鳩而慘色三月則鳴其音
曰不如歸去或曰即子規也白樂天詩山中不栖鳥夜
半聲嚶嚶似道思歸樂行人掩袂聽石舍人詩足馬馳
驅事薄遊異鄉觸目動牽愁春禽勸我歸休去爭奈功
名未放休

喚起

鳥名蓋晨鳴之鳥也唐詩喚起搔頭急

共命

佛書有共命鳥二首而一身

驚心

初學記林有驚心鳥

書空匠

清異錄乾祐中在冷金亭賞菊分賦秋鴈有族子祕書丞敬先就詩曰天掃閒雲秋淨時書空匠者最相宜

兀地奴

清異錄世呼鶩為兀地奴謂其行步盤跚耳

漢禽

格物論秦吉了似鸚鵡而白色腦有黃肉冠能人言一名了歌聞見錄宋瀘南人有畜秦吉了者夷酋欲以十萬錢買之其主人告吉了云我以貧甚賣汝以濟困吉了云我漢禽也不願入蠻夷山因不食而死唐白居易有秦吉了詞哀寃民也按吉了似鴝鵒紺黑色丹嘴黃

距目下連頂有深黃文頂毛有縫如人分髮

越鳥

古樂府胡馬嘶北風越鳥巢南枝又嶺南有越王鳥似
鳶而喙勾可受二升南人以為酒杯糞似薰陸香一名
鷓鴣鳥

音如豕

唐韻注馱如鳥三目有音如豕

性啖蚊

說文千歲燕化為海蛤伏翼化為魁蛤伏翼即爾雅所謂服翼乃蝙蝠也齊人呼為蠟蠹或謂之仙鼠性啖蚊宿人家簷楹下白晝不出夏秋間至昏時方出喜邪飛飛必徹夜頭似鼠兩足身有毛灰黑色兩翅如薄紙俗傳鼠食鹽所化

綴銀鑠

雜俎濟南郡張公城西北有鵞浦南燕之世有漁人居水側常聽有鵞聲衆鵞中又有鈴聲甚清亮候之見一

鷺頸極長羅得之項上有銅鈴綴以銀鑲隱起有元鼎元年字

貫銅環

雜俎晉時營道縣令何潛之於縣界得一鳥大如白鷺膝上髀下有銅鑲貫之

蠻蠻

山海經崇吾之山有鳥狀如鳧而一翼一目相得乃飛名曰蠻蠻注云比翼鳥也色青赤不比不能飛爾雅作

鷓鴣

獬獬

山海經姑逢之山有鳥名獬獬見則大旱

周周

有鳥名周周垂頭屈尾飲於河則顛必以其頭附他鳥
然後得飲

灌灌

青丘之山有鳥名灌灌灌佩之使人不惑

羅羅

萊山之鳥名羅羅能食人

兜兜

雜俎兜兜鳥其聲自號正月以後作聲至五月節不知
所在其形似鴿

赤嘴

雜俎火山有鷓鳥其形類鳥嘴赤如丹一名赤嘴鳥

白頭

鳥有名白頭翁者形似鵲鴿其飛如燕之頡頏頭上有
白毛身蒼色宋魏野有白頭翁詩有何辛苦有何愁個
個山林盡白頭細葉累巢花影煖微蟲共食竹陰秋清
音豈許黃鶯伏素羽曾教白鷺羞唯爾鬢毛應似我相
逢不用話因由

木客

異物志廬陵有木客鳥大如鵲千百為羣不與衆鳥相
狎俗云乃木客所化洛山中多木客乃是鬼類

軒郎

清異錄韓中書俾舒雅作鶴賦有曰脊彼軒郎治茲松府

海東青

異名記登州海岸有鳥如鶻自高麗飛渡海岸名海東青擊物最健善擒天鷲飛時旋風直上雲際

漠北白

雜俎鷹之雌雄唯以大小為異有名荆窠白者短身而

大一名沙裏白生代北沙漠鴈門馬邑有名代都赤者
紫背黑鬚白睛白毛且便捉兔生代州有名漠北白者
身長且大細斑短脰一名西道白生沙漠之北有名房
山白者背有細斑生代東有名漁陽白者腹背俱白有
名東道白者亦腹背俱白生盧龍以北有名黑皂驪生
漁陽有名白皂驪生河陽漠北有名青斑生代州及代

川

狀類蝙蝠

雜俎唐大歷八年有大鳥羣鳥隨噪之行營將張日芬射獲之狐首四足爪廣四寸狀類蝙蝠

形似鷺鷥

雜俎南山下有鳥名蝦蟆護多在田中頭有冠色蒼足赤形似鷺鷥

鸛鷓

爾雅鸛鷓鷓如鸛短尾人射之反銜矢射人一名墮

羿

鷦鷯

祝充曰鷦鷯似鳳神鳥也郁離子曰南方有鳥五彩而象鳳名曰昭明出則天下有兵

虎聲

說文鷦鷯虎聲似鳧而小水鳥也本草謂如鷦鷯脚連尾不能陸行常在水中人至則沉頃之便起

貓目

北土有訓狐聲自呼其名兩目如貓大於鷦鷯作笑聲

當有人死雜俎訓狐惡鳥也鳴則後竅應之韓愈有射
訓狐詩有鳥夜飛名訓狐矜凶挾狡誇自呼乘時陰黑
止我屋聲勢慷慨非常羸

鷓善高飛

埤雅蒼鷓善高飛似鴈目相擊而孕吐而生子其色蒼
白莊子所謂白鷓相視眸子不運而風化者也博物志
鷓亦雄鳴上風雌鳴下風而孕

鷓能禹步

稽聖賦蛇曉方藥鳩善禁呪蓋鳩能禁呪大石使起取
蛇食之其禁石時舉翅行前却如道士禹步則石起也
埤雅鳩鳥似鷹而紫黑喙長七八寸作銅聲蛇入口即
爛屎溺著石石亦為之爛或曰鳩毒鳥也雄名運日天
晴無雲則運日先鳴雌名陰諧天將陰則陰諧先鳴

雪山巢頂

如來在雪山修道芻尼巢於頂上芻尼野鵲名

蘄州問名

宋王元之自黃移蘄州聞啼鳥問其名對曰蘄州鬼王大惡之果卒於蘄州

山和尚

嘉定州鳥名

雨道士

此鳥亦出嘉定州

瓦雀

以其依人在簷溜間為巢故稱瓦雀

屋鳥

見鳥

遊鵠

文選遊鵠高翬鵠翬皆鳥名高高飛也遊亦同

愁鵠

文選茅棟嘯愁鵠平岡走寒兔

獸

爾雅二足而羽謂之禽四足而毛謂之獸

比肩

爾雅西方有比肩獸焉與邛邛岨虛比為邛邛岨虛齧
甘草若有難邛邛岨虛負而走其名曰蜃按埤雅蜃鼠
前而兔後趨則顛走則顛契丹北境有跳兔前足纔寸
許後足凡一尺行則用後足跳一躍數尺止則蹶然仆
地即蜃也本草會編邛邛青獸狀如馬岨虛似驢而小
邛邛一作蛩蛩岨虛一作駞驢孔叢子曰蜃非愛邛邛
岨虛也為其假足也二獸亦非愛蜃也為其得甘草而

遺之也

挂角

麋狼似鹿而角向前入林則挂其角故此獸常在淺草中逐入林則可縛異物志皮可作履襪角正四據南人因以作牀呼麋角牀

附狼而行

神異經狽似狼無前足附狼而行無狼則不能行也故人進退不遂曰狼狽失據雜俎又謂狽前足絕短每行

常駕兩狼

視塵所往

埤雅塵獸似鹿而大其尾辟塵以置積帛中能令歲久
紅色不脫又以拂氈令氈不蠹蓋蠅點變白塵尾留紅
也祖庭事苑鹿之大者曰塵羣鹿隨之皆視塵所往以
塵尾所轉為準古之談者揮焉良為是也

以手護腰

齊東野語南丹有獸名野婆黃髮椎髻跣足裸形儼然

一媪也其羣皆雌無匹偶上下山谷如飛猱自腰以下有皮蓋膝每遇男子必負去求合喜盜人子女復至其家窺伺之其家大罵則挾以還之嘗為健夫所殺至死以手護腰間剖之得印方寸瑩若蒼玉字類符篆不可識蓋自然之文也

以尾塞鼻

爾雅雌却鼻而長尾注云雌似猴而大黃黑色尾長數尺似獼尾末有岐鼻露向上兩即自懸於樹以尾塞鼻

或用兩指

見人則笑

山海經獄法山有獸如犬人面善擲見人則笑名曰山
獬行疾如飛見即大風

見人則飛

山海經馬成山獸如白犬黑頭有肉翅見人則飛名曰
天馬

見人若慚

異物志猯狔狀如猿逢人則叩頭小打便死得風則活
又交州記猯狔出九德縣見人若慚

見人佯卧

山海經古山有獸善笑見人則佯卧名曰幽頰自呼其
名又餘峩山獸如兔烏喙鵠目蛇尾遇人則眠名曰狢
狢見則蝥蝗為災

猯善顧盼

爾雅猯父善顧注云似獼猴而大色蒼能攫持人好顧

盼抱朴子曰猿五百歲變為獾獾千歲變為蟾蜍博物志蜀南沈黎山有獾路見婦人則負而入穴西番部落最多

猶多疑慮

猶形如麇善登木性多疑慮常居山中忽聞人聲即恐人來害之每豫先上樹久之無人然後敢下須臾又上如此非一故人之不決斷者比焉又梁黃門侍郎明少遐曰狐性多疑鼬性多豫今人狐疑猶豫之說因此而

傳耳乃知猶即鼪也

悲子而鳴

見獵

食父而走

漢書獍似羆而虎眼長即食其父而後走

與蛇同穴

廣西桂平有糖牛與蛇同穴牛嗜鹽里人以皮裹手塗鹽入穴採取之角如玉可為器

與貉同居

埤雅獾貉同穴而居獾之出入以貉為導字說獾貉為
曲穴以避雨暘亦以防患周禮考工記貉踰汶則死地
氣使然也墨客揮犀貉行數步輒睡擊竹警之乃起復
行復睡貉一作獬似狐彘尾俗呼貉狗

音如振鼓

山海經中曲山有獸如馬白身黑尾一角虎足鋸牙音
如振鼓能食虎豹名曰駮駮一作駮佩其皮骨可以禦

凶

鬣若叢竿

貂惡獸名李白大獵賦別有白貂飛駁窮奇驅獠牙若
錯劍鬣若叢竿口吞艾鉞目極槍櫓

啖香

雜俎勃樊川楓脂名薰陸香獸狷狷好啖之此獸大者
重十斤狀如獺其頭身四肢了無毛唯從鼻上竟脊至
尾有青毛廣一寸長三四分獵得斫刺不傷積薪焚之

不死以大杖擊之至骨碎乃死

行水

說文委虎虎之有角者韻府羣玉有角之虎曰虎能行水中

作人語

輟耕錄元太祖駐師西印度忽有大獸高數十丈一角如犀牛然能作人語云此非帝世界宜速還左右皆震懾獨耶律文正王進曰此名角端乃旄星之精也聖人

在位則斯獸奉書而至且能日馳萬八千里靈異如鬼神不可犯也帝即回馭至正庚寅江浙鄉試八月二十二日夜二鼓院中彷彿見一物馳過甚疾狀若猛獸軍卒喧哄因出角端為賦題按角端鹿形馬尾綠色一角角在鼻上好生惡殺之獸角中作弓印度國名

奪衆聲

山海經翼望山有獸如狸三尾名曰謹其音能奪衆聲可以療疾說文謂即貉類

餉禽

萬花谷窮竒惡獸也似牛而犬聲逢忠信之人則嚙而食之逢姦邪之人則捕禽獸以餉之

制虎

埤雅蝟可治胃疾炙穀子曰刺端分兩岐者曰蝟如棘針者曰蝟蝟狀似鼠性極穉鈍物少犯近則毛棘攢起如矢見鵲便仰腹受啄中其矢則輒爛故淮南子曰鵲矢中蝟舊說豹食豺豺食蝟又云蝟皮能整紕纒染師

用之刷紕物傳又謂蝟能制虎鵲能制蝟益物之相制
迭為君臣如此

賢能

說文能熊屬足似鹿能獸堅中故稱賢能而又強壯復
稱能傑也或云三足鼈亦曰能

靈麋

說文麋大鹿一角牛尾梧州火山上獸名靈麋而三
足見則郡中有火災或使車將至則鳴故以靈名

舉爪剔香

埤雅麝如小鹿有香在臍所遺糞常就一處不敢遺於他所慮為人所獲也而人反因是得掩羣而取之麝絕愛其香為人所迫逐勢且急即投高巖舉爪剔出其香就繫且死猶拱足以保其臍吳筠所謂麝懷香以賈害狙伐巧而招射是也陶氏曰麝形似獐今俗謂之香獐常食柏葉養生論麝食柏而香又好啗蛇今以蛇蛻裹麝彌香夏月食蛇多至寒則香滿入春臍內亟痛以足

剔出之置尿溺中覆之皆有常處

袒身捕食

神異經西方有獸如人長尺餘袒身捕蛄蠃以食名曰山獠

名曰懶婦

虞衡志有獸名懶婦如山猪而小喜食禾俗傳田夫以機軸織絰之器挂於田頭則不復近

音如嬰兒

獸有名饜饜者羊身人面目在腋虎齒人爪音如嬰兒
性貪婪食之未盡遂害其身又有獸名羴狔似羊九尾
四耳其目在背

視則搖頭

騰豸一名騰豸沐猴類也頭方正貌類人髮長尺餘常
覆面欲有所視輒搖頭以兩手披之

行則含尾

山海經單張山獸如豹而尾長牛鼻直目名曰諸捷善

叱行則口含其尾居則蟠之

似鹿兩頭

博物志獸有蔡茂者形似鹿兩頭其胎中糞四時取之
可治蛇虺之毒

如羊一目

山海經泰山有羴狀如羊一角一目目在耳後自呼其
名

獮狨

埤雅獾獾青身黑頰有鬣其手亦黑好理鬣又愛其類
生相序死相赴殺一致百夷堅志獾獾似猴而差大行
則大者前小者後有為射所中則拔死者矢自刺而死
蓋獸之有仁義者或曰獾獾一名狢一作蝮

檮杌

檮杌虎爪人面口牙一丈六尺與獸鬪終不退却死而
後已故以鯀之傲狼亡身者比之

獨散猿

坪雅獨猿類也似猿而大又食猿猿性羣獨性特猿鳴
三獨鳴一是以謂之獨又曰蛙鳴夜獨鳴曉又類從獨
一鳴而猿散鼉一鳴而龜伏一說獨狀如虎白身豕鬣
而黑出北巖山

貍祭獸

見立秋

長舌

長舌山獸名長舌狀如禺而四耳見則多水旱

迅頭

爾雅虞迅頭郭氏曰建平山中有虞大如狗似獼猴黃色多鬚髯奮迅其頭能投石擲人獾類也

音如犬

山海經浮玉山獸狀如猴四耳彘毛而牛尾音如犬吠名曰長彘見則大水

音如貓

山海經陰山有獸如狸白首曰天狗食蛇音如貓

當康

欽山有獸如豚名當康其名自呼見則天下大穰

合窳

山海經剡山有獸名合窳如彘人面赤尾食蛇見則大水

山中丈人

抱朴子曰山中卯日稱丈人者兔也

殿前錄事

唐小說李知微宿文昌宮月微明見古槐下有小人數十或稱殿前錄事或曰馳道都尉或曰司城主簿或曰西閣舍人須臾入一大穴中明日掘視之乃鼠也

麟輶

象鼻下垂貌

敦圉

虎怒貌文選白虎敦圉乎崑崙

晨鼯

藝文晨艱曉吟則百嶺齊應鼯飛鼠也

暝猿

唐詩相思一夜暝猿啼

皮可作鳥

爾雅麋大麕旄毛狗足注云其肉堅韌不及麋其皮可
作履屐勝於衆皮或曰似鹿而小雄者有角似笋尖長
寸許

角可制觥

埤雅兕善抵觸故先王之制罰爵以兕角為之酒陽物也而善發人之剛其過在抵觸故先王制此以為酒戒詩云兕觥其觶旨酒思柔山海經禱過山多兕狀如野牛青色一角長三尺餘背似馬鞍善觸重千斤其皮堅厚可以制鎧

音如雷

孟康曰夔如龍有角人面赤舌山海經夔如牛蒼身無角一足出入則有風雨其音如雷黃帝以皮冒鼓以其

骨擊之聲聞五百里

光如電

山海經金門山有赤犬曰天犬見則有兵乃天狗星光
飛流注而生行如風聲如雷光如電

能扞守

豨豻即豻也與霸下等九獸皆龍種豨豻平生好訟今
獄門上所刻如獅子頭者是或云能扞守故獄用之

誤驚惶

百感錄西北有獸類黃鼠而短喙無目性狡善聽聞人足音輒逃匿有時誤聞他聲驚惶奔竄土人呼為瞎撞
狗狗

山海經泰山有獸其狀如豚而有珠其名曰狇狇能自呼其名

羴羴

山海經秦戲之山有獸狀如羊一角一目目在耳後其名曰羴羴

夜夜

山海經硯山東望湖澤有獸如馬而羊首四角牛尾其音如嗥狗名曰夜夜見則其國多狡猾

霄霄

韻府續編爪哇國山中多猴不畏人呼以霄霄之聲投以果則其大猴先至土人謂之猴王猴夫人俟其食畢羣猴始食其餘

狴狴

山海經招搖之山有獸焉其狀如禺而白耳伏行人走其名曰狴狴

猩猩

猩猩形若狗而人面頭顏端正善與人言聲音妙麗如婦人對語在山谷間常數百為羣里人知其性好酒又愛着屐乃以酒及織草為屐更相連結置於路側猩猩見酒與屐知里人設張又能知張者祖先姓字遂呼罵云奴欲張我復戒其羣類莫飲酒捨之而去久之復來

相謂曰試共嘗之及飲甘乃大酌逮醉因取屐着之遂
為人所擒置之檻中隨其所欲而飲之將烹里人索其
肥者乃自推肥泣而遣之西國胡人取其血染毛罽色
鮮不黧刺血時問之曰爾與我幾許猩猩曰二升果足
其數若加鞭捶問之隨所加而得可至一斗不如此未
肯頓輸裴炎有贊

狒狒

狒狒俗呼為野人赤髮被地猴形人立長指濶唇好以

指甲剖人心肝食之土人欲取之則以竹管套其手狒狒見人則必曳人之手仰面大笑笑則上唇掩其目人潛於竹管內出其手以銳釘釘唇於額唇不得下目無所見狒狒所執竹管捏為粉碎任其奔走力疲就擒取其髮為兜鍪之纓血堪染緋而唇亦不減於猩唇也爾雅注狒狒梟羊也山海經狀如人面長臂黑身有毛及踵見人則笑大者長丈許俗呼曰山都一作鬻鬻一作

鬻鬻郭璞有贊

雙雙

山海經南海之外赤水之西流沙之東有獸左右有首
名跕跕有三青獸相并名曰雙雙

跕跕

山海經霍山有獸狀如狸而白尾有鬣名曰跕跕養之
可以已憂

從從

山海經柎狀之山有獸焉其狀如犬六足其名曰從從

其名自設

軫軫

山海經空桑之山有獸狀如牛而虎文其音如欽其名曰軫軫見則天下大水欽或作吟

精精

山海經踰隅之山有獸狀如牛而馬尾名曰精精其鳴

自叫

羅羅

山海經平丘北海內有素獸馬狀如馬名曰蛩蛩有青
獸馬狀如虎名曰羅羅

文文

山海經堵山有獸馬狀如蜂枝尾而反舌善呼其名曰
文文

山堂肆考卷二百三十七